

新鄉縣續志

新鄉縣續志卷

民國十二年
癸亥刊

新鄉縣續志序

古今著作如林而莫難於史竭數十年徵文考獻之功以成一代之典章文物誠運會所關非偶然也曠觀史冊以孟堅之才著漢書二十餘年而未就後經大家續之始克成帙故雖一邑之志亦具體史乘哀然而薈萃成書豈易易哉民國七年予以蓬萊下士攝篆斯邑聞前之蒞茲土者不乏賢才如王晉笙以興學稱錢蔭齋以減糧著祝爽亭之戲亂汪雲芝之撫字卓卓循良難更僕數而於邑乘一書未覩成蹟自乾隆以來斯邑之流風善政遺文逸事付之荒烟斷碣中而無筆之於書傳之於世者然有傳人而無經濟則志續難成有經濟而乏人提倡則志續亦未必奏功此廬陵所謂成一代史書亦關運會也予緣公事鞅掌同田君樾圃杜君信之朝夕籌畫擷節種種得欸兩千餘緡擬爲修志需會香圃

新鄉縣續志卷一 序

一

田公自鄂中安陸郡解組歸來杜門十載著述等身今之龍門才也遂詳省長立案敦請膺志局之總纂縮筆削之全權並約乃弟樾圃杜君信之李君亦楓等邀集同人採訪分纂卽片雲碎錦悉加裁製搜輯三年之久始克成書時將付梓郵寄屬序每於梁園風雨之夕篝燈敬讀見夫以稽覈商之鄉先生以採輯託之學博士星野山川城社則因舊而不襲舊賦役風俗營建則因時而不倍時官師人物藝文則因人而不徇人至於搜遺編則典故重新辨體例則書法愈密從此以一代之文獻爲杞宋之足徵他日者輶軒採風其得所依據乎名曰續志巍然與舊志相輝映則珠聯璧合同壽天壤後之覽者亦將有感於斯文民國十二年春前署新鄉縣知事韓邦孚謹序

序

詩壇先賢伯玉公之後裔也自先七世祖諱樂公播遷南徙經數百載澤遠藐躬竟獲攝篆斯邑復覩桑梓之光重新先人祠宇凡一邑興廢皆與邦人士議然後行官民一體相安無事雖曰會逢其適非先賢之靈爽式憑曷克天緣湊巧若是哉詩壇未任之先山左韓公鶴亭有修志之舉敦請香圃田公獨管斯任操筆削權田公以名孝廉夙擅三長迭署鄂中鉅邑歸田十年不忘著作此日編纂成書必能激濁揚清爲邑矜式而其艷摘屈宋香薰班馬炳炳麟麟昭人耳目者猶其餘事予不唯爲斯志壽同金石慶乃幸鶴亭之能知人也夫邑之有志猶國之有史凡建置人物諸大端胥賴人文薈萃昭示來茲此邑志書自乾隆而後百八十年無人續修矧值滄桑之餘一切政治諸多改革苟不及時修葺異日

新鄉縣續志卷一 序

二

採風者輶軒所至而文獻湮墜無所諮詢不益茲劍晦鼎沈之慨乎刻以志將成立因經濟不足未壽棗梨予忝承斯乏職責所在豈忍聽此一簣之虧乃同父老紳商籌款補助亟付剞劂用廣流傳是彙萃成書完鶴亭未完之志而故鄉河山人文故寔足以昭示千秋庶伯玉公在天之靈亦藉以少慰也夫是爲序民國十二年春署新鄉縣知事桐城璩詩壇謹識

序

竊謂邑之有志猶國之有史世家大族之有乘所以飭綱紀而樹軌範也古者輶軒採風辨鄉俗之淳澆以施政教胥於是乎賴志之所繫豈淺鮮哉本邑舊志創於明季清乾隆間知縣趙開元邑紳暢俊等修之蔭於幼學時曾一寓目年淹代遠原板之遺失甚多劍晦鼎沉續編之搜求誰屬時方役志功名宦遊湘鄂間且自慚孤陋亦無從問津焉辛亥以來中原多故遂浩然歸侍家兄讀書田舍每覽邑志悵然久之而知事劉青選車雲先後有志於斯尋以遷調不果庚申春鶴亭韓公以蓬萊名宿易臨敝邑公餘披覽邑志銳意重修慨任集貲追蹤前列因杜君信之商之家兄及李君亦峯設局蒐集兩年於茲補闕修殘舊志庶幾大備鉤心鬥角縣圖爲之一新闡百八十年之幽光紹三十四卷之墜緒蔭得

新鄉縣續志卷一 序

三

躬與其間藉竟數十年未竟之志何幸如之然而志之爲志體例謹嚴事貴乎實辭貴乎詳以道德爲依歸有善必錄以孝友爲綱領無義不搜他如儒林宦望之遺徽義行節烈之實錄以及賦役交通風俗物產凡有關於地方利害者均須博訪而周諮條分而縷晰非徒以侈文談廣記載也而遙遙百有餘歲文獻無徵區區三五同人見聞殊寡雖殫旁搜遠紹之力於兩年之間敢謂鐵網珊瑚竟無遺珠乎謹就採訪所得日侍家兄於楮墨間分別志傳都爲六卷亦姑以備輶軒之採耳若云飭綱紀而樹軌範未知其有當焉否耶民國十二年春邑人田蔭生謹序

序

自來功名富貴雖轟轟烈烈炫耀一時不轉瞬而即同泡影惟先正事蹟著述其灝氣英光常留天壤縱歷千劫而不灰在唐中葉天寶播遷中原稱亂而吾家少陵躬丁其阨感時撫事思垂空文以自見如行在諸將垂老新婚麗人江頭等篇大抵皆憂時傷世之作而徵文紀實義例森嚴學者奉之爲詩史豈偶然事哉立心焉慕之吾邑志書自乾隆十二年經百八十載未曾續修其間人物建置諸大端僅付之街談巷議而無人徵諸文獻矧復民國肇造諸多改革苟任其廢墜採風者將何所賴乎然修志有三端一日傳人一日經濟一日提倡三者未備恐難成書則修志豈易言哉已未春鶴亭韓公以山左名宿來令斯邑與斯文有沆瀣之契立同田君樾圃時爲接洽言及修志力肩斯任籌款備用敦請香

新鄉縣續志卷一 序

四

圃先生主任總編一舉而三善備雖曰人事豈非運會使然哉庚申三月開局編纂立與樾圃李君亦楓衛君紹希諸友共襄斯政閱三寒暑方脫稿而歟不濟會桐城璩公文衡攝斯邑篆慨允籌資俾付剞劂而立又有固陵之行同思此舉集腋固易成裘爲山恐虧一簣亟函諸君力促出版用廣流傳簿書餘暇聊綴數語豈敢追少陵之芳踪但使吾鄉風土民物得留聲光於翰墨間而不至淹沒斯則予之素願也是爲序中華民國十二年癸亥花朝杜常立序於固始公署

新鄉縣續志修輯職名

監修

署 新 鄉 縣 知 事 韓邦孚 山東蓬萊人

署 新 鄉 縣 知 事 璩詩壇 安徽桐城人

署 新 鄉 縣 知 事 蔣濬川 京兆人

繪圖

生 員 臧國瀚 邑人

劉春林 邑人

總編

記 名 道 尹 壬午舉 人田芸生 邑人

分編

丁 西 拔 貢 李雲杞 邑人

新鄉縣續志卷一 職名 五

署 宜陽 縣 知 事 省 議 員 杜常立 邑人

前 湖 南 補 用 知 縣 附 貢 生 田蔭生 邑人

採訪

生 員 劉 浚 邑人

生 員 衛修齡 邑人

生 員 孟登瀛 邑人

生 員 王運昌 邑人

廩 生 周其昌 邑人

生 員 王得中 邑人

生 員 趙金堂 邑人

生 員 杜發孟 邑人

生 員 楊金鐸 邑人

中

學

畢

業南奉三

邑人

儒

童王安吉

邑人

儒

童彭泰昌

邑人

儒

童李得福

邑人

儒

童章來慶

邑人

新鄉縣續志卷一

職名

七

凡例

一邑志自明萬歷間茹令鳴鉉創輯後歷經余令相盧令大謨米令壽圖續修今皆散失殆盡惟清乾隆間趙令開元所輯尙存而年久失修板多殘缺茲經搜求故家存書照補校刊始歸完備所謂舊志也此編即續舊志而輯者間有舊志未備亦追補之而體例則無大變更故名之曰續志

一郡縣志例列圖說舊志所列各圖大致詳矣此編又將縣境全圖請斬水熊築雲繪之以鐵路貫插其間也其山川景物足壯觀瞻者亦摹繪列圖補舊志所未備後之覽者庶藉資考鏡焉

一舊志沿革封爵星野形勝山川今皆無可續載謹撮其要以爲志畧遵史例也闕者參觀舊志庶知古今變遷之異

新鄉縣續志卷一 凡列

八

足以括之謹易其名曰交通而仍以郵傳附

一舊志學校於文廟從祀諸先賢先儒均未分別詳載致多失考今特查照會典增入並分註名字及從祀年月以備考核

一名宦鄉賢忠義孝弟各祠木主羅列幼時曾及見之時局變遷祠祀久廢所有木主均貯之文昌閣上其散失與否不可考茲除舊志已載所有可考者仍續列之亦不忍古制淹沒之意也

一舊志職官選舉均列爲表今以年久其職官之籍貫任期選舉之年分名次多不可考礙難表列謹就所知者遵例志之其未知者姑闕俟考

一賦役代有增損沿革茲悉調查縣卷及碑碣可據者著於篇其有未得根據僅屬傳聞者概從闕如

一邑秉山川靈秀名儒碩學代有其人官斯土者又不乏名宿其

著述之鴻博固美不勝收也茲以集隘不及備載擇其有關於世道人心者錄之以資考鏡故以公牘著述譜序爲要其詩文足覘道力性情風俗者畧見於篇以存其概亦志例之所許雖吉光片羽備採輶軒可矣

一舊志無金石一門茲因近世講求金石藉爲考古之資特增入金石存古製也

一舊志有仙釋一門今經採訪頗難其選而省長通飭各屬修志條例內有宗教一門用意深遠特遵增入以別流派

一史例人物爲列傳總目舊志人物特別立傳體例未合茲援史例以人物爲總目忠義孝友等列傳均隸其中庶免承訛襲謬之誚

一古史列女傳才德兼收凡賢母賢婦賢女之可傳者皆表著之

新鄉縣續志卷一 凡例

九

所以垂女範也舊志列女專爲節烈立傳其他概畧未免遺憾茲特搜求世族家乘採訪鄉里傳聞凡足垂壹範者皆著於篇敢云發潛闡幽亦史例也

一續志編輯悉賴採訪雖一邑之大時歷百八十年之久深恐文獻不足不免沈遺之憾故自開辦迄今已閱三年有餘僅搜集若干未敢信以爲備惟望諸君子加意採訪或有續獲之珍隨時見示擬於成帙後另增補遺一卷

一採訪各條事實容或有聞見之不同此編祇就來稿潤色成文未敢以爲確無訛舛其有年月姓名里居事實之未符閱者苟確有所見隨時更正尤爲感禱

新鄉縣續志目錄

卷第一

序 修輯職名 凡例 目錄

圖說

志畧

沿革封爵 星野 形勝山川

志

疆域 河渠 交通 郵傳附 城池堡寨附 學校
公署

卷第二

志

職官 選舉 賦役 兵防 風俗 物產 名蹟
祠祀

卷第三

志

邱墓 藝文上 公牘 著述 譜敘

卷第四

志

藝文下 文選 詩選 祥異 金石 宗教 拾遺

新鄉縣續志卷一 目錄

十

卷第五

傳

循吏 人物上 忠義 孝友 宦望 儒林 文苑
義行

卷第六

傳

人物下 廉介 技術 僑寓 列女 節孝 烈女
貞女 咸同殉難婦女 賢婦

縣境圖


新鄉縣續志卷一 圖說

十一

縣境圖說

縣境圖已詳舊志今亦無大變置本可不贅惟自鐵路繁興京漢道清交馳於境其縈帶左右貫穿東西如長蛇布陣蜿蜒曲折中有首尾相銜之妙用故於各處入境出境及經過地點必詳繪之以見交通之機軸在是他日商業發達即以為左券焉其太行西來衛水東注鳳山北峙黃流南環巍然為河朔重鎮攬形勝者亦可以觀矣







縣城圖說

城垣一仍舊制惟東北隅添築礮樓一座城濠引衛水而南盈盈如帶惜久經淤塞未免大煞風景舊治極寬敞歲久失修遂廢新治則逼仄甚矣女學校民國七年創修高小校為廊南書院改組十餘年來擴充不少常平倉廢關岳祠新此較舊圖稍異者其他無大變置故不贅述

新鄉縣續志卷一 圖說




高小學校校址圖



新鄉縣續志卷一 圖說

十三





八景圖

新鄉縣續志卷一 圖說

十四


五陵曉色





新鄉縣續志卷一
圖說

五



鴻門夜月



新鄉縣續志卷一

圖說

六

